



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Petiti Philosophi & Doctoris Medici, Miscellanearum
Observationum Libri quatuor**

Petit, Pierre

Trajecti ad Rhenum, 1682

Cap. XXI. Loca duo Plinii emenda.

urn:nbn:de:hbz:466:1-13245

MISCELL. OBSERV. CAP. XXI. 61

tertium proprie ad hoc natura aptum, neque visus videbit quicquam, neque videri colores poterunt. Quidnam id esse dicis; quod tu lumen vocas. Nempe hoc supra alios sensus requirit visus, & eo nomine sumptuosus, quod cum aliis naturalis potestas, & sensile ad operandum sufficiat, visus præter hæc duo, lumen insuper requirat, sine quo frustra est potentia, frustra sensile. Cæterum in hac voce πολυτελεστιν, vertenda, non mediocriter hallucinatus est Ficinus; neque Platonis prorsus sententiam intellexit. Ita enim priorem locum interpretatur: Nunquid animadvertisisti, quam perfectam sensuum auctor vim fabricavit, ad id quod videre, & id quod videri dicimus? ceu πολυτελεστιν quod est simpliciter perfectum significet. Sed hæc & alia ejusmodi παρόργανα inscriptis magnorum Virorum, non tam ipsorum, quam humanitatis esse decrevi. Quæ ut de eorum gloria nihil minuantur; Sic vitio verti non debet cuiquam, quod talia observet publicæ utilitatis causa.

C A P U T XXI.

Loca duo Plinii emendata.

Ibro histor. nat. 35. cap. xi. in catalogo nobilium pictorum, nonnullas & feminas eadem arte illustres celebrat: Lala Cyzicena (inquit) perpetua virgo, Marci Varronis juventa, Romæ & penicillo pinxit, & cestro in ebore, imagines mulierum maxime, & Neapolitanum in grandi tabula: suam quoque imaginem ad speculum. Quid est Neapolitanum? subest menda; sed levi opera restituo: & Neapoli anum, supple pinxit. Alter locus est in trigesimo sexto cap. 5. Non postferuntur & charites in propylæo Atheniensium, quas Socrates fecit, alius ille, quam pictor, idem ut aliqui putant. Et ibi mendose scriptum pictor, qua voce expuncta, rescribe, Philosophus. Vera enim lectio est: quas Socrates fecit, alius

alius ille, quam *Philosophus*. Significat autem fuisse etiam pictorem, qui Socrates vocaretur, Philosophi cognominem: de utroque olim dubitatum, utrius essent opus *Charites*, quæ in propylæo Atheniensium: philosophi an pictoris, quibusdam visum ab alio factas, quam a philosopho; nonnullis ab eodem, hoc est, a Socrate, illo ipso, qui sapientia inter Græcos claruit. Præterea non agitur hic de pictura, sed de sculptura. Nec porro mirum videatur de hac ambiguitate. Nam Socratem sculptoriæ artis peritum fuisse, non desunt qui testentur. In his Duris apud *Laertium* vita Socratis: Δοῦρις δὲ καὶ δουλεῦσαι ἀντὸν (Σωκράτη) καὶ ἐγγένεσας λίθους (supple φησίν) εἴναι τε ἀντὶ καὶ Ιᾶς ἐν αἰγαστόλει χάριτας ἔνιοι φασίν, ἐνδεδυμένας δύσας ὅθεν καὶ Τίμωνα ἐν Ιοῖς Σίλλοις ἐιπεῖν,

Ἐκ δὲ ἀρχαὶ τὰς αἰτιαὶς λιθοξόος, &c.

i. Porro Duris servisse illum ait, & sculpsisse lapides: opus illius esse *Gratias*, quæ sunt in arce, vestitas, plerique asserunt. Unde illum & *Timon* in *Sillis* ita depingit his versibus,

Fluxit ab his sculptor lapidum &c.

Confirmat *Pausanias* in *Atticis*: sed & *Scholia* *Aristophanis* in *Nubibus* ad hæc verba;

Σω. σοφῶς γε νηῆταις χάριτας,
verba Scholia, Οὐχ ἀπλῶς δύνυσι καὶ τὸν χαριτων. ὁτίων
γὰρ οὗτος Αἴθινας ἡσαν γλυφεῖσαι αἱ χάριτες ἐν τῷ Ιοίχῳ, ἀς ἐλέγειο ὁ Σωκράτης γλύφαι. i. Non simpliciter jurat per *Gratias*. Erant enim retro simulacrum *Minervæ*, gratia sculptæ in parietate, quas *Socrates* dicebatur fecisse. Ex his, quiddam suspicor deesse apud *Plinium*, loco posterius citato: nempe nomen arcis in gignendi casu, atque legendum: *in propylæo arcis Atheniensium*: quod melius, quam simpliciter, *in propylæo Atheniensium*.

C A-